

OTU. pr 02-04 -

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK - SLUŽBA ZA UPRAVU
DRUŠTVENIH DJEIATNOSTI I OPĆU UPRAVU

Primljeno:	02-01-2022		
Org jed.	Klas oznaka	Redni broj	Broj priloga
02	04	63/22	

Broj: 01-04-3152/21-AP-5
Datum: 04.01.2022. godine

OPĆINSKI NAČELNIK
ZAVIDOVIĆI

PREDMET: Vijećnička pitanja i Inicijative sa 12. sjednice Općinskog vijeća Zavidovići, održane dana 29.12.2021. godine, dostavlja se.

U prilogu akta dostavljam Vam vijećnička pitanja i Inicijative postavljena na 12. sjednici Općinskog vijeća Zavidovići, održane dana 29.12.2021. godine.

Odgovore na postavljena vijećnička pitanja i Inicijative potrebno je dostaviti predsjedavajućoj Općinskog vijeća Zavidovići, radi uvrštavanja u dnevni red naredne sjednice Općinskog vijeća.

S poštovanjem.

PRILOG: Vijećnička pitanja i Inicijative sa 12. sjednice Općinskog vijeća Zavidovići, održane dana 29.12.2021. godine

DOSTAVLJENO:
1. Općinski načelnik,
1. U spis.

**PREDSJEDAVAJUĆA
OPĆINSKOG VIJEĆA**

mr. iur. Erna Merdici Smajihodžić





Na osnovu člana 106. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/14 – prečišćeni tekst, 8/14 – isp., 9/14, 8/18 i 4/21), Općinsko vijeće Zavidovići na 12. sjednici održanoj dana 29.12.2021. godine, razmatrajući odgovore na vijećnička pitanja sa 11. sjednice Općinskog vijeća održane dana 30.11.2021. godine, pa nakon rasprave donijelo

ZAKLJUČAK

1. Vijećnici Općinskog vijeća Zavidovići razmatrajući odgovore na vijećnička pitanja sa 11. sjednice Općinskog vijeća održane dana 30.11.2021. godine, izjasnili su se:

- Adi Mahovac: nije zadovoljan odgovorom na postavljeno vijećničko pitanje, nema dopunsko pitanje.

- Igor Šimšić: zadovoljan odgovorom na postavljeno vijećničko pitanje.

- Amer Avdičević: nije zadovoljan odgovorom na postavljeno vijećničko pitanje, ima dopunsko pitanje: „Tražio sam da mi se kroz formu vijećničkog pitanja dostave projekti koji su finansirani i sufinansirani od strane Općine Zavidovići u 2021. godini, naznačeno na području koje Mjesne zajednice su realizovani takvi projekti. Dobio sam odgovor da to ima na web stranici itd. Nisam pitao gdje ima, nego sam tražio da se dostavi Općinskom vijeću. Isto tako i za drugo pitanje. Koristeći poslovničku formu sam tražio sve firme odnosno izvođače radova na području općine Zavidovići koji su se finansirali iz Budžeta Općine Zavidovići u protekle dvije godine, naglašeno dostaviti u Općinu u kojoj su navedene firme registrovane. Isto su mi odgovorili i isto kažem, nisam tražio da mi se odgovori gdje se to nalazi nego da se dostavi Općinskom vijeću“.

- Haris Hodžić: nije zadovoljan odgovorima na postavljena vijećnička pitanja, ima dopunska pitanja: „, Zamolio bi Općinske službe da mi dostave odgovore na pitanja oko plata uposlenih u Općini Zavidovići, načelnika, pomoćnika načelnika i pravobranioca, kao što su dostavili plate za direktore javnih ustanova, takođe želim da mi se dostave i plate uposlenih jer što kaže kolega Avdičević, ne želim informacije tražiti po web stranici Općine Zavidovići, nego sam tražio da mi se to pismeno dostavi.

Drugo: Stručnoj službi Općinskog vijeća tražio sam aktivnosti vijećnika za svih 12 sjednica. I dobili samo bruka materijala, isprintano. Ovo se moglo samo na jednom listu dostaviti i evo molim Stručnu službu da nam ovo sve objedini u jednu tabelu. Ako može bez ovih pluseva da se dole navede broj aktivnosti da mi to ne sabiremo pojedinačno i da se štedi ovaj papir.

I još jedno pitanje takođe: Realizacija Zaključka radnika PD Krivaja Mobil. Vidim da je evo Stručna služba nekoliko puta slala zahtjev predsjedniku da da odgovor, zašto još uvijek ne saziva sastanke ove komisije? Zahtijevam, evo da se uključi i načelnik i Općinska služba i ako nema odgovora da Općinsko vijeće mijenja predsjednika ove komisije jer ovo je postalo neozbiljno“.

- Šemso Fehrić: odsutan.

2. Zaključak stupa na snagu odmah.

PREDSJEDAVAJUĆA
OPĆINSKOG VIJEĆA
mr. iur. Erna Merdić Smailhodžić

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
Stručna služba Općinskog vijeća



Broj: 01-04-3152/21-AP-6
Datum: 29.12.2021. godine

VIJEĆNIČKA PITANJA I INICIJATIVE
sa 12. sjednice Općinskog vijeća Zavidovići održane 29.12.2021. godine

INICIJATIVE I VIJEĆNIČKA PITANJA VIJEĆNIKA HARISA HODŽIĆA:
Haris Hodžić:

Predmet: Inicijativa za donošenje Odluke o izgradnji nadzemne javne rasvjete u ulici „Podubravlje“ i „Viniški put“ na području MZ-e „Branioci grada“ i „Dubravica“

Poštovani,

na osnovu člana 109. Poslovnika o radu Općinskog vijeća Zavidovići, u ime Kluba vijećnika Socijaldemokratske partije BiH u Općinskom vijeću Zavidovići podnosim INICIJATIVU za donošenje odluke o izgradnji nadzemne javne rasvjete u ulici „Podubravlje“ i „Viniški put“ na području MZ-e „Branioci grada“ i „Dubravica“.

U skladu sa stavom 4. pomenutog člana ovu Inicijativu dostavljamo u pisanoj formi sa

OBRAZLOŽENJEM kako slijedi:

Infrastruktura (javna rasvjeta) u ulicama „Podubravlje“ i „Viniški put“ ne postoji. Nepostojanje ovakvog vida infrastrukturne podrške, ova naseljena mjesta svrstava u jednu od rijetkih ulica na području naše općine gdje nije izgrađena i puštena u funkciju javna rasvjeta.

Nefunkcionalnost (nepostojanje) javne rasvjete ugrožava bezbjednost građana koji se kreću putnim komunikacijama u ulicama Podubravlje i Viniški put, ali i onih koji stanuju na ovom prostoru. Izgled naselja bez rasvjete i vizuelno, stanovnicima i posjetiocima ne daje sliku prostora lijepog i ugodnog životnog okruženja.

Iz navedenog, cilj Inicijative je pored povećanja stepena sigurnosti i bezbjednosti i poboljšanje kvaliteta života svih građana u općini Zavidovići, uravnoteženi i srazmjerni razvoj svih područja općine, kao i modernizacija komunalne infrastrukture na području Općine.

Inicijativa, pored neupitne potrebe, opravdanost kroz pravni osnov nalazi i u Odluci o komunalnom redu Općine Zavidovići br: 01-23-3682/14 od dana 31.03.2015. godine, njenim odredbama i članovima koji se tiču održavanja javne rasvjete.

Građani ovih ulica posjeduju svu potrebnu dokumentaciju, projekat i dozvole za izgradnju.

Sredstva za realizaciju ove inicijative predvidjeti Budžetom općine Zavidovići za 2022. godinu kroz Transfera za igradnju javne rasvjete.

Za realizaciju ove odluke zadužuju se općinski načelnik i nadležne općinske službe sa rokom od 60. dana od dana usvajanja inicijative.

S poštovanjem,

vec' Inicijativa

Predmet: Inicijativa za donošenje Odluke o hitnom izmještanju/uklanjanju dotrajalih havarisanih i neregistrovanih vozila sa rezervisanog parkinga u ulici „Dobrovoljnih davalaca krvi“ između zgrade Općine Zavidovići, Policijske stanice Zavidovići i Općinskog suda u Zavidovićima.

Poštovani,

na osnovu člana 109. Poslovnika o radu Općinskog vijeća Zavidovići, u ime Kluba vijećnika Socijaldemokratske partije BiH u Općinskom vijeću Zavidovići podnosim INICIJATIVU za donošenje odluke o hitnom izmještanju /uklanjanju dotrajalih havarisanih i neregistrovanih vozila sa rezervisanog parkinga u ulici „Dobrovoljnih davalaca krvi“ između zgrade Općine Zavidovići, Policijske stanice Zavidovići i Općinskog suda u Zavidovićima.

U skladu sa stavom 4. pomenutog člana ovu Inicijativu dostavljamo u pisanoj formi sa

OBRAZLOŽENJEM kako slijedi:

Obzirom da je članom 35. Odluke o bezbjednosti i organizaciji saobraćaja na cestama općine Zavidovići definisano da je rezervisani prostor za parking prostor u ulici „Dobrovoljnih davalaca krvi“ između zgrade Općine Zavidovići, Policijske stanice Zavidovići i Općinskog suda u Zavidovićima te da je članom 48. iste te odluke definisana zabrana parkiranja vozila koja se ne upotrebljavaju u saobraćaju zbog dotrajalosti (havarisana, neregistrovana i slično) nužno je postupiti u skladu sa zakonskim principima, aktima i odluci te sva dotrajala motorna vozila ukloniti sa rezervnog parkinga.

Svjedoci smo da se već godinama dotrajala havarisana i neregistrovana motorna vozila skladište na rezervisanom parkingu u ulici Dobrovoljnih davalaca krvi.

Takva praksa, suprotna odluci o bezbjednosti i organizaciji saobraćaja na cestama općine Zavidovići, prijetnja je sigurnosti i bezbjednosti naših građana naročito mlade populacije i djece koja se u ljetnom periodu kreću u prostoru ovog parkinga.

Također, skladištenjem havarisanih i dotrajalih motornih vozila na rezervisanom parkingu u ulici Dobrovoljnih davalaca krvi u sred grada umanjuje urbani eksterijer naše lokalne samouprave i odaje lošu sliku posjetiocima i gostima općine Zavidovići.

Zbog svega navedenog nužno je donošenje odluke po hitnoj proceduri i u konačnici osiguranje kako bezbjednosti naših građana tako i poštivanje i postupanje u skladu sa Odlukom o bezbjednosti i organizaciji saobraćaja (Član 35. i Član 48.).

Za realizaciju ove odluke zadužuju se općinski načelnik i nadležna općinska služba sa rokom od 30 dana od dana usvajanja inicijative.

S poštovanjem,

Predmet: VIJEĆNIČKO PITANJE, dostavlja se.

Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam sljedeće vijećničko pitanje: Zašto još uvijek nije pokrenut tužbeni postupak protiv lica koja osporavaju realizaciju Zaključka Općinskog vijeća br: 01-19-1632/21-AP-6 od 30.07.2021. godine?

Obrazloženje:

Sudbeni postupak

Još na 7. redovnoj sjednici Općinskog vijeća Zavidovići održanoj 30.07.2021. godine Općinsko vijeće, zaključkom br: 01-19-1632/21-AP-6, zadužilo je općinskog načelnika i nadležne službe za realizaciju inicijative za dodjelu upražnjene prostorije u sastavu zgrade zvana „Sloga“ u ulici Abdulvehaba Ilhamije b.b. Udruženja roditelja djece sa poteškoćama u razvoju „Mala sirena“ Zavidovići.

Nažalost, po informacijama sa terena i od strane općinskih službi, inicijativa i nakon više od 4 mjeseca nije realizovana.

Direktno pitanje:

Tražimo od nadležne općinske službe i općinskog pravobranioca da nam dostavi informaciju zašto još uvijek nije pokrenut tužbeni postupak protiv lica koja osporavaju i odbijaju predati upražnjenu kancelariju općini Zavidovići i UG Mala sirena?

Uz odgovor dostaviti i informaciju kada se može očekivati pokretanje tužbe i zašto se skoro već 5 mjeseci čeka na ovaj postupak.

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

S poštovanjem,

Predmet: VIJEĆNIČKO PITANJE, dostavlja se. ✓

Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam sljedeće vijećničko pitanje: Tražim informaciju, od strane Stručne službe općinskog vijeća i nadležnih službi da nam dostavi informaciju o rezultatima Javnog poziva za raspodjelu sredstava po transferu ekonomski kod 615117 „Kapitalni transfer mjesnim zajednicama-podrška projektima“ za 2021. godinu?

Direktno pitanje:

Tražimo od nadležne općinske službe da nam dostavi rezultate Javnog poziva za kandidovanje projekata iz oblasti infrastrukture na području općine Zavidovići, koji su se sufinansirali u skladu sa Budžetom općine za 2021. godinu sa pozicije: „Kapitalni transfer mjesnim zajednicama-podrška projektima“ Ekonomski kod 615117.

Odgovor na ovo pitanje treba da sadrži sljedeće informacije: Broja prijava (mjesnih zajednica) na javni poziv, broj projekata, opis projekata i kopije prijavnih obrazaca svake pojedinačne prijave kao i rezultate javnog poziva odnosno prijava mjesnih zajednica koje su u konačnici i podržane ovim javnim pozivom sa naznakom u kojem iznosu je podržan projekat i kada je realizovan (period realizacije).

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

S poštovanjem,

VIJEĆNIČKO PITANJE VIJEĆNIKA HAMDE DŽINIĆA:
Hamdo Džinić:

Predmet: VIJEĆNIČKO PITANJE, dostavlja se.

Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam sljedeće vijećničko pitanje koje se tiče potrebe informisanja o poduzetim aktivnostima u saradnji i koordinaciji sa Kantonalnom direkcijom za ceste a u vezi sanacije klizišta na regionalnoj cesti R466 Zavidovići-Kamenica-Ponijeri.

Obrazloženje vijećničkog pitanja:

Skoro 3 godine učesnici saobraćaja na regionalnom putu R466 na putnom pravcu Zavidovići-Kamenica-Ponijeri svakodnevno su potencijalna žrtva saobraćajne nesreće kao uzrok suženja kolovozne trake izazvane odronom dijela regionalne ceste na dionici putnog pravca između naseljenih mjesta 5 i 6 kilometar.

Klizište i odron jednog dijela kolovozne trake suzio je regionalnu cestu R466 i ugrožava sigurnost učesnika saobraćaja i do danas nije saniran.

Direktno pitanje:

Da li će se konačno poduzeti aktivnosti na sanaciji ovog klizišta, te spriječiti neželjene saobraćajne posljedice za učesnike saobraćaja na ovoj dionici puta? I da li će ova dionica puta Zavidovići-Kamenica konačno biti podvrgnuta potpunoj sanaciji i rekonstrukciji od strane Kantonalne direkcije za ceste i Ministarstva za saobraćaj i komunikacije ZE-DO kantona kada je u pitanju redovno godišnje održavanje regionalnih cesta?

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

S poštovanjem,

INICIJATIVA I VIJEĆNIČKO PITANJE VIJEĆNIKA ŠEMSUDINA SKEJIĆA:
Šemsudin Skejić:

Naziv i cilj inicijative:

IZRADA STRATEGIJE RURALNOG RAZVOJA SA AKCENTOM NA RAZVOJ
POLJOPRIVREDE I POBOLJŠANJA ŽIVOTA NA SELU
1/ UVOD

Opće je poznato da je naša općina decenijama, pogotovo do 90-tih godina prošlog vijeka razvoj bazirala na industriji.

Prvih 10-tak godina u ovom vijeku, a konačno gašenjem Krivaje, kao nosioca razvoja, industrija naše općine više nije odlučujući faktor za razvoj Zavidovića u cjelini.

Takođe je poznato da smo upravo zbog razvijene industrije, koja se ogledala u industrijskom preduzeću Krivaja, zapostavili razvoj ruralne sredine.

Zbog toga smatram da imamo jake razloge i strateške preduslove da se konačno okrenemo i razvoju sela u cjelini.

U nastavku ću navesti neke osnovne statističke parametre i dati kratku analizu resursa koji mogu biti dovoljna garancija da u razvoj cijele općine uključimo i razvoj sela.

2/ OSNOVNI STATISTIČKI PARAMETRI

a/ PROSTOR

Opština se prostire na približno 600 km² od čega većina gravitira ruralnom području.

Kapaciteti poljoprivrednog zemljišta i turistički kapaciteti nisu iskorišteni ni minimalno, a veći su nego što možemo i zamisliti.

b/ STANOVNIŠTVO

Procjena je da imamo cca 35000 stanovnika (popis iz 2013. godine govori o većem broju ali znamo da je procjena od 35000 samo procjena).

Od ukupnog broja stanovništva minimalno dvije trećine pripada selu, 66%, a BiH je sa 60% najruralnija zemlja u Evropi.

Približan broj zaposlenih 6000.

Približan broj penzionera 6000.

Približan broj radno sposobnih 10.000.

Porazno je da od cca 6000 zaposlenih većina pripada ustanovama i sredinama izvan realnog sektora.

Takođe je porazno da su najpoželjniji subjekti za zapošljavanje mladih i stručnih kadrova ustvari javne i preduzeća u vlasništvu države, a od kojih država nema ekonomske dobiti.

3/ OPĆINSKI RESURSI

a/ LJUDSKI FAKTOR

U tački 2, vezano za podatke o stanovništvu, vidljivo je da dobar dio radno sposobnog

To bi mogao biti valjan razlog da neangažovanom, a radno sposobnom stanovništvu angažman pokušamo naći u poljoprivredi ako već nemožemo u industriji.

b/ KADROVI

Za ruralni razvoj među najvažnijim su kadrovi iz oblasti: agronomije, veterinarstva, općenito poljoprivrede, prehrane, infrastrukture, ekonomije i sl.

Pretpostavljam da za naše potrebe, za početak, imamo kadrove koji nisu iskorišteni u dovoljnoj mjeri.

c/ INDUSTRIJSKI SEKTOR

Isti nije na nivou da bi sam doprinio dinamičnijem razvoju općine.

Jedino preduzeće koje je moglo biti okosnica razvoja, izgubili smo nepovratno.

d/ ZEMLJIŠTE

Površina poljoprivrednog zemljišta ubrzano se smanjuje i pretvara u šikare i nisko rastinje.

Pri tome se ne osjeti da šumski fond raste.

To je vidljivo ako se dešava potpuno nelogična pojava da u 2021. godini ni ono malo drvne industrije što je ostalo nema dovoljno drvne mase za svoju proizvodnju. Primjer za to su bojazan i razmišljanje nekoliko domaćih firmi da će u 2022. godini zbog nedostatka sirovine smanjiti proizvodnju, a onda logično i broj radnika.

e/ INFRASTRUKTURA

Ovaj segment će vjerovano biti najveća prepreka za razvoj ruralne sredine.

Zbog toga strategija treba i mora dati odgovor kako omogućiti da poljoprivredno zemljište ima puteve, a selo vodu.

Sve navedeno nas upućuje da smo decenijama propuštali šansu da u razvoj uključimo sve kapacitete koje smo imali.

4/ RAZLOZI ZA PRIHVATANJE OVAKVE ILI SLIČNE INICIJATIVE

a/ Minimalno dvotrećinska većina stanovnika naše općine živi izvan urbane sredine.

Ako poduzmemo korake tako će i ostati.

Većina nezaposlenog radno sposobnog stanovništva takođe živi na selu.

Ako ne poduzmemo prave korake neće tako ostati jer će ta populacija napustiti selo, a i državu.

b/ Zemljište nam je na raspolaganju.

Ima ga i više nego možemo obraditi i ima ga više nego u većini općina, kantona i federacije.

c/ Industrija sama neće moći ubrzati razvoj općine.

d/ Migracije (unutar države i eksterne) prijete potpunom nestanku sela, ukidanje škola i a sredine koje izgube selo nemaju perspektivu, bez obzira bježe one razvijene ili nerazvijene.

e/ Zemlja na kojoj ne boravi vlasnik nema vrijednost, a ovdje se radi o većini zemljišta općine Zavidovići.

f/ U BiH se govori o najvećoj stopi inflacije posljednjih deset godina.

Cijene dobara i usluga za potrošnju u odnosu na „lani“ povećane su za 5 do 10%.

Životni standard građana opasno je ugrožen.

Ipak, koliko god ove stvari bile zabrinjavajuće, jasno je da na njih možemo uticati makar djelimično.

Zato je potrebno zasukati rukave i vratiti se radu na imanjima, koja smo davno zapustili, jer drugačije će biti teško opstati.

Domaći prehrambeni proizvodi mogu omogućiti dugoročne zalihe i kakvu-takvu sigurnost.

5/ KAKO DOĆI DO STRATEGIJE (RAZVOJ SELA) RURALNOG RAZVOJA

5.1 Formirati radni tim od domaćih kadrova kojem treba priključiti jednog ili više eminentnih stručnjaka sa isustvom iz ove oblasti.

Iskoristiti specijaliste za ovu temu iz službe nadležne za pitanje poljoprivrede i sela uopšte ili zašto da ovo ne bude zadatak za našu Razvojnu agenciju.

5.2 Osnovni zadatak radnog timaneka bude: uraditi smjernice i nacrt strategije koristeći pozitivna iskustva općina i kantona u federaciji BiH i šire.

Sve uskladiti sa planovima koje ima ZE-DO kanton, a na kraju uraditi strategiju.

5.3 Rok za izradu strategije neka bude novembar 2022. godine kako bismo budžetom za 2023. godinu mogli predvidjeti, odnosno planirati posebna sredstva.

5.4 Činjenica da se na nivou ZE-DO kantona počelo razmišljati o ruralnom razvoju ne daju nam pravo da čekamo njihove planove, naprosto mislim da možemo ići paralelno, a još bolje ispred.

5.5 Prije nego što preuzmemo odgovornost da radimo jedan ovako važan plan, trebamo znati da je za realizaciju tog plana potrebno mnogo ulaganja.

Budimo spremni na to, jer to je razvojni projekat koji može dati dobar kratkoročni i dugoročni rezultat, što nam je u ovom trenutku prijeko potrebno.

VIJEĆNIČKO PITANJE

A/UVOD

Moje vijećničko pitanje vezano je za PROJEKAT VODOSNABDIJEVANJA PROSTORNE CJELINE PAŠIN KONAK.

Preciznije rečeno ovo pitanje čini set pitanja čije odgovore očekujem u pisanoj formi. Analizirajući tekuće općinske kapitalne infrastrukturne projekte, a koji se odnose na:

- vodosnabdijevanje,
 - snabdijevanje električnom energijom,
 - snabdijevanje toplotnom energijom,
 - izgradnju kanalizacione mreže (fekalna i oborinska kanalizacija),
 - rekonstrukciju i izgradnju cestovne infrastrukture (ceste i mostovi svih kategorija, kao i druge javne površine i gradske ulice)
- zaključio sam da NE POSTOJI PROJEKAT sa tako visokim stepenom prioriteta realizacije kao što je PROJEKAT VODOSNABDIJEVANJA PROSTORNE CJELINE PAŠIN KONAK.

B/SET PITANJA

1. Kada su otpočeli radovi na projektu vodovod Pašin Konak, preciznije rečeno koji je prvi datum uvođenja prvog izvođača u posao?
2. Kolika je bila predračunska vrijednost radova (ukupno i po fazama) na datum početka radova?
3. Kolika je planirana, a kolika stvarna vrijednost izvedenih radova po godinama kalendarski (od 01.01. do 31.12. svake tekuće godine)? Planirana vrijednost odnosi se na plan u budžetima.
4. Kolika je vrijednost ukupno izvedenih radova do 31.12.2021. godine?
5. Kolika je planirana vrijednost izvedenih radova za 2022. godinu?
6. Da li postoji makro dinamički plan završetka projekta?
Ukoliko isti postoji može biti priložen kao odgovor na pitanje br. 6, a ako ne postoji molim da se uradi u primjerenom roku.

C/ CILJ

Stvarni cilj ovog zahtjeva je izrada decidnih odgovora na 6 gore navedenih pitanja. Samo realan odgovor može omogućiti da dođemo do saznanja o stvarnom stanju realizacije ovog projekta.

Jedino na ovaj način možemo doći do potrebnih podataka za izradu dinamičnog plana završetka projekta.

D/ OBRAZLOŽENJE

1/ ZNAČAJ PROJEKTA

a/ MZ Pašin Konak i dio naselja koji mu gravitiraju je lokalna zajednica unutar naše općine koja ima ubjedljivo najizraženiji nedostatak pitke vode.

b/ Računajući sve mjesne zajednice općine Zavidovići, sve druge lokalne zajednice imaju kakva-takva alternativna rješenja za vodosnabdijevanja, dok se prostorna cjelina, po ovom pitanju nalazi zaista u bezizlaznoj situaciji.

c/ Realizaciju projekta vodosnabdijevanja prostorne cjeline Pašin Konak traje suviše dugo i postoji realna mogućnost da se ne završi u dogledno vrijeme. Ako se ipak završi, ali ne u dogledno vrijeme, onda i ako se završi neće imati željeni efekat jer neće biti dovoljno korisnika.

d/ Ako u kratkom vremenu ne preduzmemo neophodne korake i ne postupimo u skladu sa važnošću ovog projekta doći ćemo u situaciju da dio radova koji su završeni u prvoj godini projekta radimo ponovo prije puštanja u rad sistema, a iz prostog razloga što će im garantni rokovi isteći.

2/ ZAKLJUČCI

Precizni odgovori na postavljena pitanja meni će poslužiti za izradu inicijative koja bi mogla poslužiti za aktiviranje svih sudionika koji mogu doprinijeti završetku projekta.

INICIJATIVA VIJEĆNIKA ADMIRA FOJNICE:

Admir Fojnica:

u Odboru, veći zaključeni ugovori

Predmet: Inicijativa za rješavanje problema otpadnih voda u općini Zavidovići

Poštovani/a,

na osnovu člana 109. Poslovnika o radu Općinskog vijeća Zavidovići, podnosim inicijativu za rješavanje problema otpadnih voda u općini Zavidovići.

U skladu sa stavom 4. pomenutog člana ovu inicijativu dostavljam u pisanoj formi.

OBRAZLOŽENJE:

Problem otpadnih voda je višeslojni izazov za našu općinu obzirom da je praktično netretiran u razdoblju od tridesetak godina i da ne insistira na pojedinačnoj odgovornosti kućanstva, ali i općine u cjelini. Sistem sprovođenja i kolektovanja otpadnih voda je dio zastarjele vodne infrastrukture iz ranijeg perioda i neopravdano je zanemarivan usljed neodgovornog odnosa vladajućih struktura i dijelom stanovništva.

Kao prilog ove cjeline za očuvanje ekološke čistoće i stvaranju zdravog ekosistema u Zavidovićima navodim sljedeće činjenice:

Biološko-hemijsko prečišćavanje otpadnih voda koje se ispuštaju u vodotoke se ne vrši. Posljednjih godina smo imali pojavu seroznog meningitisa posebno kod djece koja su se kupala u zagađenim rijekama. Procjenjuje se da oko 50% naselja ima mješoviti tip kanalizacije, koja je u većini slučajeva zastarjela, slabo održavana i nedovoljnog kapaciteta.

Razumije se da samom projektu mora prethoditi adekvatna kampanja stručnog informisanja nadležnih struktura i animiranja lokalnog stanovništva.

Jedna od mogućih varijanti bi predviđala sljedeći modalitet: u grubim konturama projekat rješavanja otpadnih voda bio bi integralnog karaktera i podrazumijevao bi istovremeno finansijsku i logističku uključenost nadležnih općinskih struktura, manjih lokalnih zajednica i stanovništva. Općina bi u ove svrhe na godišnjem nivou predvidjela iznos stimulativnih sredstava i angažirala konsultanta za najpovoljnija rješenja izgradnje individualnih i zajedničkih kolektora vodeći računa o tome da favorizira modele zajedničkih kolektora kao prioritetan i jeftiniji izbor.

INICIJATIVA VIJEĆNIKA FERIDA KAKNJAŠEVIĆA:
Ferid Kaknjašević:

Predmet: Vijećnička inicijativa.

odložak, rez i plan

Na osnovu člana 8. te člana 87. Poslovnika o radu Općinskog vijeća Zavidovići pokrećem vijećničku inicijativu za sanaciju dvije deponije na desnoj obali rijeke Krivaje udaljene 1 km od mjesta Stošnica iz pravca Zavidovića prema Vozući.

Obrazloženje inicijative:

Obzirom da je posljednjim aktivnostima JKP „Radnik“ od 14.12.21. god proširilo obuhvat organizovanog odvoza smeća i iz MZ Vozuća prestaje potreba postojanja navedene deponije.

Stanovnici Vozuće su pravdali odlaganje smeća na ovoj divljoj deponiji obrazloženjem da nije postojao drugi način prikupljanja i odvoza istog.

Financijska sredstva za realizaciju ove inicijative su planirana u prijedlogu budžeta općine Zavidovići za 2022. godinu na kontu 613329151-IZDACI ZA SANACIJU DIVLJIH DEPONIJA u iznosu od 5.000,00 KM.

VIJEĆNIČKO PITANJE VIJEĆNIKA AJDINA POLIĆA
Ajdin Polić:

Poštovane kolege vijećnici, Radno predsjedništvo, načelnice sa saradnicima, mediji građani sve vas srdačno selamim i pozdravljam.

Na osnovu člana 8. i 87. Poslovnika o radu Općinskog vijeća postavljam vijećničko pitanje. Koliko i kome je naplaćeno komunalne takse prema tarifnom broju 2., 3., 4. u 2020. i 2021. godini? Hvala.

VIJEĆNIČKA PITANJA VIJEĆNIKA MIRSADA BEČIĆA
Mirsad Bečić:

Predmet: Vijećnička pitanja ✓

Na osnovu člana 8. i člana 166. Poslovnika o radu Općinskog vijeća podnosim vijećnička pitanja koja glase:

1. Prije nekoliko mjeseci od strane vijeća donesen je zaključak da se formira komisija koja bi nas trebala informisati o mogućnosti kupovine Krivajine Vile.

Nismo dobili informaciju od strane formirane komisije te postavljam pitanje koje glasi:

- Dokle se došlo sa navedenim aktivnostima i kakav je status bivših zaposlenika IP Krivaje

- Koji je status imovine IP Krivaja nakon što je od strane Agencije za privatizaciju FBiH utvrđeno da je navedena privatizacija izvršena na nezakonit način.

Tražim da mi se odgovor saopšti usmeno ili pismenim putem.

2. Na prethodnoj sjednici Općinskog vijeća usvojena je Odluka o bezbjednosti saobraćaja na području općine Zavidovići te su time stvorene pravne pretpostavke za

izgradnju novih taxi stajališta na području općine Zavidovići.

- Pitanje za nadležnu službuje kada će se pristupiti izgradnji i obilježavanju novih taxi stajališta?

Tražim da mi se odgovor saopšti usmeno ili pismenim putem.

INICIJATIVA I VIJEĆNIČKO PITANJE VIJEĆNIKA AMERA AVDIČEVIĆA:
Amer Avdičević:

PREDMET: veš u plan saobraćaj.

Na osnovu člana 109. Poslovnika o radu Općinskog vijeća Zavidovići („Službeni glasnik Općine Zavidovići“, broj:7-2014-prečišćen tekst. 9/14. 8/18 i 8/19) podnosim Inicijativu za donošenje Odluke za sanaciju trotoara i ograde na mostu u ulici „D. Pinkasa Bandta“ (most kod tržnog centra „Bingo“)

O b r a z l o ž e n j e

Navedeni most je pretrpio veću štetu prilikom poplava iz 2014. godine, pojedini elementi konstrukcije ovog mosta su sanirani nakon toga, međutim trotoar nije saniran ni dan danas. Na trotoaru postoje oštećenja u vidu rupa i izbočina koje zasigurno ugrožavaju sigurnost pješaka, a pored toga ovakav trotoar daje loš prikaz infrastrukture Općine Zavidovići, s obzirom da je ovo jedan od najprometnijih mostova koji se uz to nalazi i na ulazu u našu općinu, te je možda prva stvar koji će vidjeti posjetioci naše općine. Ograda koju navodim je sanirana nakon poplava, međutim prema meni raspoloživim informacijama, na istom mjestu se dogodila saobraćajna nesreća, pri čemu je vozilo uništilo cca 2 metra ograde. Na koji način je regulisana nastala šteta prilikom te saobraćajne nesreće nije poznato, ali taj dio ograde još nije saniran, te na istom mjestu imamo jedan veći otvoren prolaz koji može biti uzrok nove saobraćajne nesreće u budućnosti. Inicijativa ukazuje na neadekvatan izgled jednog gradskog, jako prometnog mosta na području naše općine, ali prije svega na sigurnost, kako pješaka tako i vozača na ovoj dionici. Pored sanacije navedenih dijelova konstrukcije mosta, potrebno je provjeriti provodnike električne energije na samom mostu, koji nisu adekvatno izolirani i također ugrožavaju sigurnost naših građana.

Ranije sam upućivao vijećničko pitanje, gdje sam dobio odgovor da će se krenuti u ovakve aktivnosti, međutim kao što vidimo, dočekali smo i novogodišnje praznike i našu dijasporu, a ovim aktivnostima ni traga.

Vijećničko pitanje:

Zašto nismo dobili na dnevnom redu nijedne sjednice Inicijativu o dodjeli ulice Imamović Edina Strikana? Ona je uložena prije godinu dana, a Poslovnik kaže da treba da se nađe na dnevnom redu sjednice u roku od 30 dana od dana podnošenja. Hvala.

VIJEĆNIČKO PITANJE VIJEĆNIKA IGORA ŠIMŠIĆA
Igor Šimšić:

Pozdravljam još jednom. Upućujem vijećničko pitanje na zahtjev građana u cilju informisanja, a tiče se stanja pri korištenju garaža u ulici 15. septembar u naselju Novo naselje. Naime, pojedini građani su bili korisnici u ugovornom odnosu sa Opštinom pomenutih garaža. Prema njihovim informacijama iste više ne koriste niti mogu da koriste, zapečecene su od ne znam kojeg organa i nemaju informacije, odnosno naznake o daljem korištenju, odnosno postupku

daljeg korištenja. I samo molim nadležnu službu da nas informiše o stanju ove problematike. Hvala.

Predsjedavajuća Općinskog vijeća:

Nakon postavljenih vijećničkih pitanja i inicijativa prelazimo na usmene odgovore po vijećničkim pitanjima, ako ih ima. Nema.

Prelazimo na odgovore sa 11. sjednice Općinskog vijeća Zavidovići, održane 30.11.2021. godine.

U skladu sa članovima 88. i 89. Poslovnika o radu Općinskog vijeća Zavidovići možete se izraziti jeste li zadovoljni odgovorom na vijećničko pitanje ili da niste zadovoljni, postaviti dopunsko pitanje.

Adi Mahovac: Nisam zadovoljan. Nemam dopunsko pitanje.

Igor šimšić: Da.

Amer Avdičević: Nisam zadovoljan. Mogu li dopunsko pitanje? —

Evo kratko ću. Tražio sam da mi se kroz formu vijećničkog pitanja dostave projekti koji su finansirani i sufinansirani od strane Općine Zavidovići u 2021. godini, naznačeno na području koje Mjesne zajednice su realizovani takvi projekti. Dobio sam odgovor da to ima na web stranici itd. Nisam pitao gdje ima, nego sam tražio da se dostavi Općinskom vijeću. Isto tako i za drugo pitanje. Koristeći poslovničku formu sam tražio sve firme odnosno izvođače radova na području općine Zavidovići koji su se finansirali iz Budžeta Općine Zavidovići u protekle dvije godine, naglašeno dostaviti u Općinu u kojoj su navedene firme registrovane. Isto su mi odgovorili i isto kažem, nisam tražio da mi se odgovori gdje se to nalazi nego da se dostavi Općinskom vijeću. Hvala.

Predsjedavajuća Općinskog vijeća: Haris Hodžić. Tri pitanja.

Haris Hodžić: Nisam zadovoljan. —

Zamolio bi Općinske službe da mi dostave odgovore na pitanja oko plata uposlenih u Općini Zavidovići, načelnika, pomoćnika načelnika i pravobranioca, kao što su dostavili plate za direktore javnih ustanova, takođe želim da mi se dostave i plate uposlenih jer što kaže kolega Avdičević, ne želim informacije tražiti po web stranici Općine Zavidovići, nego sam tražio da mi se to pismeno dostavi.

Drugo: Stručnoj službi Općinskog vijeća tražio sam aktivnosti vijećnika za svih 12 sjednica. I dobili samo bruka materijala, isprintano. Ovo se moglo samo na jednom listu dostaviti i evo molim Stručnu službu da nam ovo sve objedini u jednu tabelu. Ako može bez ovih pluseva da se dole navede broj aktivnosti da mi to ne sabiremo pojedinačno i da se štedi ovaj papir.

I još jedno pitanje takođe: Realizacija Zaključka radnika PD Krivaja Mobil. Vidim da je evo Stručna služba nekoliko puta slala zahtjev predsjedniku da da odgovor, zašto još uvijek ne saziva sastanke ove komisije? Zahtijevam, evo da se uključi i načelnik i Općinska služba i ako nema odgovora da Općinsko vijeće mijenja predsjednika ove komisije jer ovo ovo je postalo neozbiljno. Toliko.

Šemso Fehrić: odsutan.

ZAPISNIK SAČINIO

Jasmin Šogolj, dipl. pravnik





Socijaldemokratska partija **Bosne i Hercegovine**
Социјалдемократска партија Босне и Херцеговине

sloboda; jednakost, solidarnost

Datum: 22.12.2021.godine

BOSNA I HERCEGOVINA
FEDERACIJA BOSNE I HERCEGOVINE
OPĆINA ZAVIDOVIĆI
OPĆINSKO VIJEĆE ZAVIDOVIĆI
n/r. gđa. Erna Merdić Smailhodžić, predsjedavajuća

Predmet: Inicijativa za donošenja odluke o izgradnji nadzemne javne rasvjete u ulici "Podubravlje" i "Viniški put" na području MZ-e "Branioci Grada" i "Dubravica"

Poštovani,

na osnovu člana 109. Poslovnika o radu Općinskog vijeća Zavidovići, u ime Kluba vijećnika Socijaldemokratske partije BiH u Općinskom vijeću Zavidovići podnosim INICIJATIVU za donošenje odluke o izgradnji nadzemne javne rasvjete u ulici "Podubravlje" i "Viniški put" na području MZ-e "Branioci Grada" i "Dubravica"

U skladu sa stavom 4. pomenutog člana ovu Inicijativu dostavljam u pisanoj formi sa

OBRAZLOŽENJEM kako slijedi:

Infrastruktura (javna rasvjeta) u ulicama "Podrubravlje" i "Viniški put" ne postoji. Nepostojanje ovakvog vida infrastrukturne podrške, ova naseljeno mjesta svrstava u jednu od rijetkih ulica na području naše općine gdje nije izgrađena i puštena u funkciju javna rasvjeta.

Nefunkcionalnost (nepostojanje) javne rasvjete ugrožava bezbjednost građana koji se kreću putnim komunikacijama u ulicama Podrubravlje i Viniški put, ali i onih koji stanuju na ovom prostoru. Izgled naselja bez rasvjete i vizuelno, stanovnicima i posjetiocima ne daje sliku prostora lijepog i ugodnog životnog okruženja.

Iz navedenog, cilj Inicijative je pored povećanja stepena sigurnosti i bezbjednosti i poboljšanje kvaliteta života svih građana u općini Zavidovići, uravnoteženi i srazmjerni razvoj svih područja općine, kao i modernizacija komunalne infrastrukture na području Općine.

Inicijativa, pored neupitne potrebe, opravdanost kroz pravni osnov nalazi i u Odluci o komunalnom redu Općine Zavidovići br: 01-23-3682/14 od dana 31.03.2015.godine, njenim odredbama i članovima koji se tiču održavanja javne rasvjete.

Općinska organizacija SDP BiH Zavidovići Општинска организација СДП БиХ Завидовићи

Sekretarijat: Adresa: dr. Pinkasa Banta bb
(zgrada „Stare općine“)
72220 Zavidovići

Tel: +387 (0) 32 879-040
Fax: +387 (0) 32 879-040
E-mail: sdpzdici@bih.net.ba

www.sdp.ba
facebook.com/sdpbih
facebook.com/sdpbihzavidovici



Socijaldemokratska partija Bosne i Hercegovine
Социјалдемократска партија Босне и Херцеговине

sloboda, jednakost, solidarnost

Građani ovih ulica posjeduju svu potrebnu dokumentaciju, porjekat i dozvole za izgradnju.

Sredstva za realizaciju ove inicijative predvidjeti Budžetom općine Zavidovići za 2022.godinu kroz Transfera za izgradnju javne rasvjete.

Za realizaciju ove odluke zadužuju se općinski načelnik i nadležne općinske službe sa rokom od 60. dana od dana usvajanja inicijative.

S poštovanjem,



Vijećnik u u OV Zavidovići

Haris Hodžić, dipl.oec

Općinska organizacija SDP BiH Zavidovići

Општинска организација СДП БиХ Завидовићи

Sekretarijat: Adresa: dr.Pinkasa Banta bb
(zgrada „Stare općine“)
72220 Zavidovići
Bosna i Hercegovina

Tel: +387 (0) 32 879-040
Fax: +387 (0) 32 879-040
E-mail: sdpzdici@bih.net.ba

www.sdp.ba
facebook.com/sdpbih
facebook.com/sdpbihzavidovici



Datum: 22.12.2021.godine

BOSNA I HERCEGOVINA
FEDERACIJA BOSNE I HERCEGOVINE
OPĆINA ZAVIDOVIĆI
OPĆINSKO VIJEĆE ZAVIDOVIĆI

n/r. gđa. Erna Merdić-Smailhodžić, predsjedavajuća

Predmet: Inicijativa za donošenje odluke o hitnom izmještanju / uklanjanju dotrajalih havarisanih i neregistrovanih vozila sa rezervisanog parkinga u ulici "Dobrovoljnih davalaca krvi" između zgrade Općine Zavidovići, Policijske stanice Zavidovići i Općinskog suda u Zavidovićima.

Poštovani,

na osnovu člana 109. Poslovnika o radu Općinskog vijeća Zavidovići, u ime Kluba vijećnika Socijaldemokratske partije BiH u Općinskom vijeću Zavidovići podnosim INICIJATIVU za donošenje odluke o hitnom izmještanju / uklanjanju dotrajalih havarisanih i neregistrovanih vozila sa rezervisanog parkinga u ulici "Dobrovoljnih davalaca krvi" između zgrade Općine Zavidovići, Policijske stanice Zavidovići i Općinskog suda u Zavidovićima. U skladu sa stavom 4. pomenutog člana ovu Inicijativu dostavljamo u pisanoj formi sa

OBRAZLOŽENJEM kako slijedi:

Obzirom da je Članom 35. Odluke o bezbjednosti i organizaciji saobraćaja na cestama općine Zavidovići definisano da je rezervisani prostor za parking prostor u ulici "Dobrovoljnih davalaca krvi" između zgrade Općine Zavidovići, Policijske stanice Zavidovići i Općinskog suda u Zavidovićima te da je Članom 48. iste te odluke definisana zabrana parkiranja vozila koja se ne upotrebljavaju u saobraćaju zbog dotrajalosti (havarisana, neregistrovana i slično) nužno je postupiti u skladu sa zakonskim principima, akitma i odluci te sva dotrajala motorna vozila ukloniti sa rezervisanog parkinga.

Svjedoci smo da se već godinama dotrajala havarisana i neregistrovana motorna vozila skladište na rezervisanom parkingu u ulici Dobrovoljnih davalaca krvi.

Općinska organizacija SDP BiH Zavidovići Општинска организација СДП БиХ Завидовићи

Takva praksa, suprotna odluci o bezbjednosti i organizaciji saobraćaja na cestama općine Zavidovići, prijetnja je sigurnosti i bezbjednosti naših građana naročito mlađe populacije i djece koja se u ljetnom periodu kreću u prostoru ovog parkinga.

Također, skladištenjem havarisanih i dotrajalih motornih vozila na rezervisanom parkingu u ulici Dobrovoljnih davalaca krivi u sred grada umanjuje urbani eksterijer naše lokalne samouprave i odaje lošu sliku posjetiocima i gostima općine Zavidovići.


Zbog svega navedenog nužno je donošenje odluke po hitnoj proceduri i u konačnici osigruanje kako bezbjednosti naših građana tako i poštivanje i postupanje u skladu sa Odlukom o bezbjednosti i organizacij saobraćaja (Član 35. i Član 48.).

Za realizaciju ove odluke zadužuju se općinski načelnik i nadležna općinska službe sa rokom od 30 dana od dana usvajanja inicijative.

S poštovanjem,



Vijećnik SDP BiH u OV Zavidovići



Haris Hodžić, dipl.oec

Općinska organizacija SDP BiH Zavidovići Општинска организација СДП БиХ Завидовићи

Sekretarijat: Adresa: dr.Pinkasa Banta bb
(zgrada „Stare općine“)
72220 Zavidovići
Bosna i Hercegovina

Tel: +387 (0) 32 879-040
Fax: +387 (0) 32 879-040
E-mail: sdpzdici@bih.net.ba

www.sdp.ba
facebook.com/sdpbih
facebook.com/sdpbihzavidovici

Datum: 22.12.2021.godine

BOSNA I HERCEGOVINA
FEDERACIJA BOSNE I HERCEGOVINE
OPĆINA ZAVIDOVIĆI
OPĆINSKO VIJEĆE ZAVIDOVIĆI
n/r. gđa. Erna-Merdić Smailhodžić, predsjedavajuća

Predmet: VIJEĆNIČKO PITANJE, dostavlja se

Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam sljedeće vijećničko pitanje: Zašto još uvijek nije pokrenut tužbeni postupak protiv lica koja osporavaju realizaciju zaključka općinskog vijeća br. 01-19-1632/21-AP-6 od 30.07.2021. godine ?

Obrazloženje:

Još na 7. redovnoj sjednici Općinskog vijeća Zavidovići održanoj 30.07.2021. godine Općinsko vijeće, zaključkom br. 01-19-1632/21-AP-6, zadužilo je općinskog načelnik i nadležne službe za realizaciju inicijative za dodjelu upražnjenje prostorije u sastavu zgrade zvana "Sloga" u ulici Albuldvehaba Ilhamije b.b. Udruženja roditelja djece sa poteškoćama u razvoju "Mala sirena" Zavidovići.

Nažalost, po informacijama sa terena i od strane općinskih službi, inicijativa i nakon više od 4 mjeseca nije realizovana.

.Direktno pitanje:

Tražimo od nadležne općinske službe i općinskog pravobranioca da nam dostavi informaciju zašto još uvijek nije pokrenut tužbeni postupak protiv lica koja osporavaju i odbijaju predati upražnjenju kancelariju općini Zavidovići i UG Mala sirena ?

Uz odgovor dostaviti i informaciju kada se može očekivati pokretanje tužbe i zašto se skoro već 5 mjeseci čeka na ovaj postupak.

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

S poštovanjem,



Vijećnik SDP BiH

Haris Hodžić, dipl.oec

Općinska organizacija SDP BiH Zavidovići

Општинска организација СДП БиХ Завидовићи

Sekretarijat: Adresa: dr.Pinkasa Banta bb
(zgrada „Stare općine“)
72220 Zavidovići
Bosna i Hercegovina

Tel: +387 (0) 32 879-040
Fax: +387 (0) 32 879-040
E-mail: sdpzdici@bih.net.ba

www.sdp.ba
facebook.com/sdpbih
facebook.com/sdpbihzavidovići

Datum: 21.12.2021.godine

BOSNA I HERCEGOVINA
FEDERACIJA BOSNE I HERCEGOVINE
OPĆINA ZAVIDOVIĆI
OPĆINSKO VIJEĆE ZAVIDOVIĆI
n/r. gđa. Erna-Merdić Smailhodžić, predsjedavajuća

Predmet: VIJEĆNIČKO PITANJE, dostavlja se

Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam sljedeće vijećničko pitanje: Tražim informaciju, od strane stručne službe općinskog vijeća i nadležnih službi da nam dostavi informaciju o rezultatima Javnog poziva za raspodjelu sredstava po transferu ekonomski kod 615117 "Kapitalni transfer mjesnim zajednicama-podrška projektima" za 2021. godinu ?

Direktno pitanje:

Tražimo od nadležne općinske službe da nam dostavi rezultate Javnog poziva za kandidovanje projekata iz oblasti infrastrukture na području općine Zavidovići, koji su se sufinansirali u skladu sa Budžetom općine za 2021. godinu sa pozicije: „Kapitalni transferi mjesnim zajednicama-podrška projektima“ Ekonomski kod 615117.

Odgovor na ovo pitanje treba da sadrži sljedeće informacije: Broja prijava(mjesnih zajednica) na javni poziv, broj projekata, opis projekata i kopije prijavnih obrazaca svake pojedinačne prijave kao i rezultate javnog poziva odnosno prijave mjesnih zajednica koje su u konačnici i podržane ovim javnim pozivom sa naznakom u kojem iznosu je podržan projekat i kada je realizovan(period realizacije).

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

S poštovanjem,



Vijećnik SDP BiH

Haris Hodžić, dipl.oec

Općinska organizacija SDP BiH Zavidovići Општинска организација СДП БиХ Завидовићи

Sekretarijat: Adresa: dr.Pinkasa Banta bb
(zgrada „Stare općine“)
72220 Zavidovići
Bosna i Hercegovina

Tel: +387 (0) 32 879-040
Fax: +387 (0) 32 879-040
E-mail: sdpzdici@bih.net.ba

www.sdp.ba
facebook.com/sdpbih
facebook.com/sdpbihzavidovici

Datum: 29.12.2021.godine

BOSNA I HERCEGOVINA
FEDERACIJA BOSNE I HERCEGOVINE
OPĆINA ZAVIDOVIĆI
OPĆINSKO VIJEĆE ZAVIDOVIĆI
n/r. gđa. Erna-Merdić Smailhodžić, predsjedavajuća

Predmet: VIJEĆNIČKO PITANJE, dostavlja se

Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam vijećničko pitanje koje se tiče potrebe informisanja o poduzetim aktivnostima u saradnji i koordinaciji sa Kantonalnom direkcijom za ceste a u vezi sanacije klizišta na regionalnoj cesti R466 Zavidovići-Kamenica-Ponijeri?

Obrazloženje vijećničkog pitanja:

Skoro 3 godine učesnici saobraćaja na regionalnom putu R466 na putnom pravcu Zavidovići-Kamenica-Ponijeri svakodnevno su potencijalna žrtva saobraćajne nesreće kao uzrok suženja kolovozne trake izazvane odronom dijela regionalne ceste na dionici putnog pravca između naseljenih mjesta 5 i 6 kilometar.

Klizište i odron jednog dijela kolovozne trake suzio je regionalnu cestu R466 i ugrožava sigurnost učesnika saobraćaja i do danas nije saniran.

Direktno pitanje:

Da li će se konačno poduzeti aktivnosti na sanaciji ovog klizišta, te spriječiti neželjene saobraćajne posljedice za učesnike saobraćaja na ovoj dionici puta? I da li će ova dionica puta Zavidovići-Kamenica konačno biti podvrgnuta potpunoj sanaciji i rekonstrukciji od strane Kantonalne direkcije za ceste i Ministarstva za saobraćaj i komunikacija ZE-DO kantona kada je u pitanju redovno godišnje održavanje regionalnih cesta?

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

S poštovanjem,



Vijećnik SDP BiH

Hamdo Džinić, dipl.ing.šum.

Općinska organizacija SDP BiH Zavidovići Општинска организација СДП БиХ Завидовићи

Sekretarijat: Adresa: dr.Pinkasa Banta bb
(zgrada „Stare općine“)
72220 Zavidovići
Bosna i HercegovinaTel: +387 (0) 32 879-040
Fax: +387 (0) 32 879-040
E-mail: sdpzdici@bih.net.bawww.sdp.ba
facebook.com/sdpbih
facebook.com/sdpbihzavidovici

VIJEĆNIČKO PITANJE; ŠEMSUDIN SKEJIĆ

A/ UVOD

Moje vijećničko pitanje vezano je za PROJEKAT VODOSNADBJEVANJA PROSTORNE CJELINE PAŠIN KONAK.

Preciznije rečeno ovo pitanje čini set pitanja čije odgovore očekujem u pisanoj formi.

Analizirajući tekuće općinske kapitalne infrastrukturne projekte , a koji se odnose na :

- vodosnadbjevanje,**
- snadbjevanje električnom energijom,**
- snadbjevanje toplotnom energijom,**
- izgradnju kanalizacione mreže (fekalna i oborinska kanalizacija),**
- rekonstrukciju i izgradnju cestovne infrastrukture (ceste i mostovi svih kategorija, kao i druge javne površine i gradske ulice)**

zaključio sam da NE POSTOJI PROJEKAT sa tako visokim stepenom prioriteta realizacije kao što je PROJEKAT VODOSNADBJEVANJA PROSTORNE CJELINE PAŠIN KONAK.

B/ SET PITANJA

- 1. Kada su otpočeli radovi na projektu vodovod Pašin Konak, preciznije rečeno koji je prvi datum uvođenja prvog izvođača u posao?**
- 2. Kolika je bila predračunska vrijednost radova (ukupno i po fazama) na datum početka radova?**
- 3. Kolika je planirana, a kolika stvarna vrijednost izvedenih radova po godinama kalendarski (od 01.01. do 31. 12. Svake tekuće godine)? Planirana vrijednost odnosi se na plan u budžetima.**
- 4. Kolika je vrijednost ukupno izvedenih radova do 31. 12. 2021. godine?**
- 5. Kolika je planirana vrijednost izvedenih radova za 2022. godinu?**
- 6. Da li postoji makro-dinamički plan završetka projekta?
Ukoliko isti postoji može biti priložen kao odgovor na pitanje br. 6, a ako ne postoji molim da se uradi u primjerenom roku.**

C/ CILJ

Stvarni cilj ovog zahtjeva je izrada decidnih odgovora na 6 gore navedenih pitanja. Samo realan odgovor može omogućiti da dođemo do saznanja o stvarnom stanju realizacije ovog projekta.

Jedino na ovaj način možemo doći do potrebnih podataka za izradu dinamičkog plana završetka projekta.

P/ OBRAZLOŽENJE

1/ ZNAČAJ PROJEKTA

- a/ **MZ Pašin Konak i dio naselja koji mu gravitiraju je lokalna zajednica unutar neše općine koja ima ubjedljivo najizraženiji nedostatak pitke vode.**
- b/ **Računajući sve mjesne zajednice općine Zavidovići , sve druge lokalne zajednice imaju kakva –takva alternativna rješenja za vodosnadbjevanja, dok se prostorna cjelina , po ovom pitanju nalazi zaista u bezizlaznoj situaciji.**
- c/ **Realizaciju projekta vodosnadbjevanja prostorne cjeline Pašin Konak traje suviše dugo I postoji realna mogućnost da se ne završi u dogledno vrijeme. Ako se ipak završi , ali ne u dogledno vrijeme, onda i ako se završi neće imati željeni efekat jer neće biti dovoljno korisnika.**
- d/ **Ako u kratkom vremenu ne preduzmemo neophodne korake i ne postupimo u skladu sa važnošću ovog projekta doći ćemo u situaciju da dio radova koji su završeni u prvoj godini projekta radimo ponovo prije puštanja u rad sistema , a iz prostog razloga što će im garantni rokovi isteći.**

2/ ZAKLJUČCI

Precizni odgovori na postavljena pitanja meni će poslužiti za izradu inicijative koja bi mogla poslužiti za aktiviranje svih sudionika koji mogu doprinijeti završetku projekta.

29.12.2021 god.

Semsudin Skejić
G. R. L.

INICIJATIVA VIJEĆNIKA ŠEMSUDINA SKEJIĆA

Naziv i cilj inicijative:

**IZRADA STRATEGIJE RURALNOG RAZVOJA SA AKCENTOM
NA RAZVOJ POLJOPRIVREDE I POBOLJŠANJA ŽIVOTA NA SELU**

Zavidovići, 20. 12. 2021. godine

Općinski vijećnik

Šemsudin Skejić

1/ UVOD

Opće je poznato da je naša općina decenijama , pogotovo do 90-tih godina prošlog vijeka, svoj razvoj bazirala na industriji .

Prvih 10-tak godina u ovom vijeku , a konačno gašenjem Krivaje kao nosioca razvoja, industrija naše općine više nije odlučujući faktor za razvoj Zavidovića u cjelini.

Takođe je poznato da smo upravo zbog razvijene industrije , koja se ogledala u industrijskom preduzeću Krivaja, zapostavili razvoj ruralne sredine.

Zbog toga smatram da imamo jake razloge i strateške preduslove da se konačno okrenemo i razvoju sela u cjelini.

U nastavku ću navesti neke osnovne statističke parametre i dati kratku analizu resursa koji mogu biti dovoljna garancija da u razvoj cijele općine uključimo i razvoj sela.

2/ OSNOVNI STATISTIČKI PARAMETRI

a/ PROSTOR

Opština se prostire na približno 600km² površine od čega većina gravitira ruralnom području.

Kapaciteti poljoprivrednog zemljišta i turistički kapaciteti nisu iskorišteni ni minimalno, a veći su nego što možemo i zamisliti.

b/ STANOVNIŠTVO

Procjena je da imamo cca 35000 stanovnika (popis iz 2013. godine govori o većem broju ali znamo da je i procjena od 35000 samo procjena).

Od ukupnog broja stanovništva minimalno dvije trećine pripada selu, 66%, a BiH je sa 60% najruralnija zemlja u Evropi.

Približan broj zaposlenih 6000

Približan broj penzionera 6000

Približan broj radno sposobnih 10.000

Porazno je da od cca 6000 zaposlenih većina pripada ustanovama i sredinama izvan realnog sektora.

Takođe je porazno da su najpoželjniji subjekti za zapošljavanje mladih i stručnih kadrova ustvari javne ustanove i preduzeća u vlasništvu države, a od kojih država nema ekonomske dobiti.

3/ OPĆINSKI RESURSI

a/ LJUDSKI FAKTOR

U tački 2 , vezano za podatke o stanovništvu, vidljivo je da dobar dio radno sposobnog stanovništva koji nije radno angažovan.

To bi morao biti valjan razlog da neangažovanom , a radno sposobnom stanovništvu angažman pokušamo naći u poljoprivredi ako već nemožemo u industriji.

b/ KADROVI

Za ruralni razvoj među najvažnijim su kadrovi iz oblasti : agronomije, veterinarstva, općenito poljoprivrede, prehrane , infrastrukture, ekonomije i sl.

Pretpostavljam da za naše potrebe, za početak, imamo kadrove koji nisu iskorišteni u dovoljnoj mjeri.

c/ INDUSTRIJSKI SEKTOR

Isti nije na nivou da bi sam doprinio dinamičnijem razvoju općine.

Jedino preduzeće koje je moglo biti okosnica razvoja, izgubili smo nepovratno.

d/ ZEMLJIŠTE

Površina poljoprivrednog zemljišta ubrzano se smanjuje i pretvara u šikare i nisko rastinje.

Pri tome se ne osjeti da šumski fond raste.

To je vidljivo ako se dešava potpuno nelogična pojava da u 2021. godini ni ono malo drvne industrije što je ostalo nema dovoljno drvne mase za svoju proizvodnju.

Primjer za to su bojazan i razmišljanje nekoliko domaćih firmi da će u 2022. godini zbog nedostatka sirovine smanjiti proizvodnju , a onda logično i broj radnika.

e/ INFRASTRUKTURA

Ovaj segment će vjerovatno biti najveća prepreka za razvoj ruralne sredine.

Zbog toga strategija treba i mora dati odgovor kako omogućiti da poljoprivredno zemljište ima puteve , a selo vodu.

Sve navedeno nas upućuje da smo decenijama propuštali šansu da u razvoj uključimo sve kapacitete koje smo imali.

4/ RAZLOZI ZA PRIHVATANJE OVAKVE ILI SLIČNE INICIJATIVE

a/ Minimalno dvotrećinska većina stanovnika naše općine živi izvan urbane sredine.

Ako poduzmemo prave korake tako će i ostati.

Većina nezaposlenog radno sposobnog stanovništva takođe živi na selu.

Ako ne poduzmemo prave korake neće tako ostati jer će ta populacija napustiti selo, a i državu.

b/ Zemljište nam je na raspolaganju.

Ima ga i više nego možemo obraditi i ima ga više nego u većini općina kantona i federacije.

c/ Industrija sama neće moći ubrzati razvoj općine.

d/ Migracije (unutar države i eksterne) prijete potpunom nestanku sela, ukidanje škola i....., a sredine koje izgube selo nemaju perspektivu, bez obzira bile one razvijene ili nerazvijene.

e/ Zemlja na kojoj ne boravi vlasnik nema vrijednost, a ovdje se radi o većini zemljišta općine Zavidovići.

f/ U BiH se govori o najvećoj stopi inflacije posljednjih desetak godina.

Cijene dobara i usluga za potrošnju u odnosu na "lani" povećane su za 5 do 10%.

Životni standard građana opasno je ugrožen.

Ipak, koliko god ove stvari bile zabrinjavajuće, jasno je da na njih možemo uticati makar djelimično.

Za to je potrebno zasukati rukave i vratiti se radu na imanjima, koja smo davno zapustili, jer drugačije će biti teško opstati.

Domaći prehrambeni proizvodi mogu omogućiti dugoročne zalihe i kakvu-takvu sigurnost.

5/ KAKO DOĆI DO STRATEGIJE (RAZVOJ SELA) RURALNOG RAZVOJA

- 5.1 Formirati radni tim od domaćih kadrova kojem treba priključiti jednog ili više eminentnih stručnjaka sa iskustvom iz ove oblasti.**

Iskoristiti specijaliste za ovu temu iz službe nadležne za pitanje poljoprivrede i sela uopšte ili zašto da ovo ne bude zadatak za našu Razvojnu agenciju.

- 5.2 Osnovni zadatak radnog tima neka bude: uraditi smjernice i nacrt strategije koristeći pozitivna iskustva općina i kantona u federacije BiH i šire.**

Sve uskladiti sa planovima koje ima ZE-DO kanton, a na kraju uraditi strategiju.

- 5.3 Rok za izradu strategije neka bude novembar 2022. godine kako bismo budžetom za 2023. godinu mogli predvidjeti , odnosno planirati potrebna sredstva.**

- 5.4 Činjenica da se na nivou ZE-DO kantona počelo razmišljati o ruralnom razvoju ne daju nam pravo da čekamo njihove planove, naprosto mislim da možemo ići paralelno , a još bolje ispred.**

Druge općine kantona nemaju rezerve za napredak u ovoj oblasti koje imamo mi.

Na kraju krajeva valjda mi bolje znamo šta nam je važno.

- 5.5 Prije nego što preuzmemo odgovornost da radimo jedan ovako važan plan, trebamo znati da je za realizaciju tog plana potrebno mnogo ulaganja.**

Budimo spremni na to, jer to je razvojni projekat koji može dati dobar kratkoročni i dugoročni rezultat, što nam je u ovom trenutku prijeko potrebno.

BOSNA I HERCEGOVINA

FEDERACIJA BOSNE I HERCEGOVINE

OPĆINA ZAVIDOVIĆI

OPĆINSKO VIJEĆE ZAVIDOVIĆI

n/r. gđa. Erna Merdić Smailhodžić, predsjedavajuća

Predmet: Inicijativa za rješavanje problema otpadnih voda u općini Zavidovići

Poštovani/a,

na osnovu člana 109. Poslovnika o radu Općinskog vijeća Zavidovići, podnosim Inicijativu za rješavanje problema otpadnih voda u općini Zavidovići.

U skladu sa stavom 4. pomenutog člana ovu Inicijativu dostavljam u pisanoj formi.

OBRAZLOŽENJE :

Problem otpadnih voda je višeslojan izazov za našu općinu obzirom da je praktično netretiran u razdoblju od tridesetak godina i da ne insistira na pojedinačnoj odgovornosti kućanstva ali i općine u cjelini. Sistem sprovođenja i kolektovanja otpadnih voda je dio zastarjele vodne infrastrukture iz ranijeg perioda i neopravdano je zanemarivan usljed neodgovornog odnosa vladajućih struktura i dijelom stanovništva.

Kao prilog ove cjeline za očuvanje ekološke čistoće i stvaranju zdravog ekosistema u Zavidovićima navodim sljedeće činjenice:

Biološko-hemijsko prečišćavanje otpadnih voda koje se ispuštaju u vodotoke se ne vrši. Posljednjih godina smo imali pojavu seroznog meningitisa posebno kod djece koja su se kupala u zagađenim rijekama. Procjenjuje se da oko 50 % naselja ima mješoviti tip kanalizacije, koja je u većini slučajeva zastarjela, slabo održavana i nedovoljnog kapaciteta.

Razumije se da samom projektu mora prethoditi adekvatna kampanja stručnog informisanja nadležnih struktura i animiranja lokalnog stanovništva.

Jedna od mogućih varijanti bi predviđala sljedeći modalitet: u grubim konturama projekat rješavanja otpadnih voda bio bi integralnog karaktera i podrazumjevaao bi istovremeno finansijsku i logističku uključenost nadležnih općinskih struktura, manjih lokalnih zajednica i stanovništva. Općina bi u ove svrhe na godišnjem nivou predvidjela iznos stimulativnih sredstava i angažirala konsultanta za najpovoljnija rješenja izgradnje individualnih i zajedničkih kolektora vodeći računa o tome da favorizira modele zajedničkih kolektora kao prioritetan i jeftiniji izbor.

Zavidovići : 29.12.2021g.

Samostalni vijećnik u OV

Fojnica Admir

Fojnica Admir

Datum: 29.12.2021. god.

BOSNA I HERCEGOVINA
FEDERACIJA BOSNE I HERCEGOVINE
OPĆINA ZAVIDOVIĆI
OPĆINSKO VIJEĆE ZAVIDOVIĆI
n/r. mr. iur. Erna Merdić Smailhodžić, predsjedavajuća

Predmet: Vijećnička inicijativa

Na osnovu člana 8. te člana 87. poslovnika o radu Općinskog vijeća Zavidovići pokrećem vijećničku inicijativu za sanaciju divlje deponije na desnoj obali rijeke Krivaje udaljene 1 km od mjesta Stošnica iz pravca Zavidovića prema Vozući.

Obrazloženje inicijative:

Obzirom da je posljednjim aktivnostima JKP „Radnik“ od 14.12.21. god proširilo obuhvat oragizovanog odvoza smeća i iz MZ Vozuća prestaje potreba postojanja navedene deponije.


Stanovnici Vozuće su pravdali odlaganje smeća na ovoj divljoj deponiji obrazloženjem da nije postojao drugi način prikupljanja i odvoza istog.

Financijska sredstva za realizaciju ove inicijative su planirana u prijedlogu budžeta općine Zavidovići za 2022. godinu na kontu 613329151-IZDACI ZA SANACIJU DIVLJIH DEPONIJA u iznosu od 5000,00 km.



Vijećnik:

Kaknjašević Ferid



Općinska organizacija SDP BiH Zavidovići

Општинска организација СДП БиХ Завидовићи

Sekretarijat: Adresa: dr.Pinkasa Banta bb

Tel: +387 (0) 32 879-040

www.sdp.ba(zgrada „Stare općine“)
72220 Zavidovići

Fax: +387 (0) 32 879-040

facebook.com/sdpbihE-mail: sdpzdici@bih.net.bafacebook.com/sdpbihzavidovici

Bosna i Hercegovina

Datum : 24.12.2021. godine

Broj: 02-12/21

OPĆINA ZAVIDOVIĆI
OPĆINSKO VIJEĆE ZAVIDOVIĆI

n/r gđa. Erna Merdić-Smailhodžić, predsjedavajuća OV

Predmet: **Vijećnička pitanja**

Na osnovu člana 8. i člana 166. Poslovnika o radu Općinskog vijeća Zavidovići podnosim vijećnička pitanja koja glase:

1. Prije nekoliko mjeseci od strane vijeća donesen je zaključak da se formira komisija koja bi nas trebala informisati o mogućnosti kupovine Krivajine Vile.

Nismo dobili informaciju od strane formirane komisije te postavljam pitanje koje glasi:

- Dokle se došlo sa navedenim aktivnostima i kakav je status bivših zaposlenika IP Krivaje
- Koji je status imovine IP Krivaja nakon što je od strane Agencije za privatizaciju FBiH utvrđeno da je navedena privatizacija izvršena na nezakonit način.


Tražim da mi se odgovor saopšti usmeno ili pisanim putem.

2. Na predhodnoj sjednici Općinskog vijeća usvojena je Odluka o bezbjednosti saobraćaja na području općine Zavidovići te su time stvorene pravne pretpostavke za izgradnju novih taxi stajališta na području općine Zavidovići.
 - Pitanje za nadležnu službu je kada će se pristupiti izgradnji i obilježavanju novih taxi stajališta?

Tražim da mi se odgovor saopšti usmeno ili pisanim putem.

Vijećnik PDA :

Mirsad Bečić



Dostavlja se:

- naslovu

-a/a

Vijećnik Općine Zavidovići

Amer Avdičević

Zavidovići, Petkovići bb

Datum: 29.12.2021.

OPĆINSKO VIJEĆE ZAVIDOVIĆI

NAČELNIK OPĆINE ZAVIDOVIĆI

PREDMET:

Na osnovu člana 109. Poslovnika o radu Općinskog vijeća Zavidovići ("Službeni glasnik Općine Zavidovići", broj: 7-2014 – prečišćeni tekst, 9/14, 8/18 i 8/19) podnosim Inicijativu za donošenje Odluke za sanaciju trotoara i ograde na mostu u ulici „Dr. Pinkasa Bandta“ (most kod tržnog centra „Bingo“)


O b r a z l o ž e n j e

Navedeni most je pretrpio veću štetu prilikom poplava iz 2014. godine, pojedini elementi konstrukcije ovog mosta su sanirani nakon toga, međutim trotoar nije saniran ni dan danas. Na trotoaru postoje oštećenja u vidu rupa i izbočina koje zasigurno ugrožavaju sigurnost pješaka, a pored toga ovakav trotoar daje loš prikaz infrastrukture Općine Zavidovići, s obzirom da je ovo jedan od najprometnijih mostova koji se uz to nalazi i na ulazu u našu općinu, te je možda prva stvar koju će vidjeti posjetioci naše općine. Ograda koju navodim je sanirana nakon poplava, međutim prema meni raspoloživim informacijama, na istom mjestu se dogodila saobraćajna nesreća, pri čemu je vozilo uništilo cca 2 metra ograde. Na koji način je regulisana nastala šteta prilikom te saobraćajne nesreće nije poznato, ali taj dio ograde još nije saniran, te na istom mjestu imamo jedan veći otvoren prolaz koji može biti uzrok nove saobraćajne nesreće u budućnosti. Inicijativa ukazuje na neadekvatan izgled jednog gradskog, jako prometnog mosta na području naše općine, ali prije svega na sigurnost, kako pješaka tako i vozača na ovoj dionici.

Pored sanacije navedenih dijelova konstrukcije mosta, potrebno je provjeriti i provodnike električne energije na samom mostu, koji nisu adekvatno izolirani i također ugrožavaju sigurnost naših građana.

Ranije sam upućivao vijećničko pitanje, gdje sam dobio odgovor da će se krenuti u ovakve aktivnosti, međutim kao što vidimo, dočekali smo i povogodišnje praznike i našu dijasporu, a ~~ovim~~ ovim aktivnostima ni traga.

Podnositelj inicijative



Amer Avdičević